



საქართველო  
ზუგდიდის მუნიციპალიტეტის მერია



GEORGIA  
ZUGDIDI MUNICIPALITY CITY HALL

N 512  
21/02/2020

ზუგდიდი

512-02-4-202002211751



მერის ბრძანება

ზუგდიდის მუნიციპალიტეტის მერიის შინაგანაწესის დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის, საქართველოს კანონის „საჯარო სამსახურის შესახებ“ 122-ე და 123-ე მუხლების, საქართველოს კანონის „საქართველოს ადმინისტრაციული კოდექსი“ 52-ე და 61-ე მუხლების და „ზუგდიდის მუნიციპალიტეტის მერიის დებულების დამტკიცების შესახებ“ ზუგდიდის მუნიციპალიტეტის საკრებულოს 2019 წლის 6 სექტემბრის N31 დადგენილების შესაბამისად:

ვ ბ რ ძ ა ნ ე ბ ა:

1. დამტკიცდეს ზუგდიდის მუნიციპალიტეტის მერიის შინაგანაწესი დანართი N1-ის შესაბამისად.
2. ამ ბრძანების ამოქმედებისთანავე ძალადაკარგულად გამოცხადდეს „ზუგდიდის მუნიციპალიტეტის მერიის შინაგანაწესის დამტკიცების შესახებ“ ზუგდიდის მუნიციპალიტეტის მერიის 2017 წლის 18 დეკემბრის N468 ბრძანება.
3. დაევალოს ზუგდიდის მუნიციპალიტეტის მერიის ადმინისტრაციული სამსახურის საქმისწარმოების განყოფილებას და ადამიანური რესურსების მართვის განყოფილებას ბრძანების საქმისწარმოების ელექტრონული პროგრამის მეშვეობით ზუგდიდის მუნიციპალიტეტის მერიის ყველა საჯარო მოხელისათვის გაცნობა.
4. დაევალოს ზუგდიდის მუნიციპალიტეტის მერიის ადმინისტრაციული სამსახურის საზოგადოებასთან ურთიერთობის და პროტოკოლის განყოფილებას ბრძანების ზუგდიდის მუნიციპალიტეტის მერიის ვებ-გვერდზე (<http://zugdidi.mun.gov.ge/>) გამოქვეყნება.
5. საქართველოს კანონის „საჯარო სამსახურის შესახებ“ 123-ე მუხლის მე-2 პუნქტის შესაბამისად ბრძანების ასლი გადაეგზავნოს საქართველოს საჯარო მოსამსახურეთა პროფესიულ კავშირს.
6. ბრძანება ძალაშია ხელმოწერისთანავე.
7. ბრძანება შეიძლება გასაჩივრდეს მისი კანონმდებლობით გათვალისწინებული წესით, გაცნობის დღიდან ერთი თვის ვადაში, ზუგდიდის რაიონულ სასამართლოში (მის. ქ. ზუგდიდი, რ. ლალიძის ქ. №12).

გიორგი შენგელია

მერი